

Danas o mandataru VM-a



Mladen Bosić: Neka se članovi Predsjedništva ne skrivaju



Niko Lozančić: Sjetio se da su žene zastupljene

Odluka, ipak, u Parlamentu

Srpski zvaničnici pozivaju na dogovor, ali onaj prema kojem će biti po Radmanovićevom

Članovi Predsjedništva BiH na današnjoj posebnoj sjednici odlučit će ko će od tri ponuđena kandidata i zvanično biti mandatar za sastav novog Vijeća ministara. Hoće li mandatar biti kandidatkinja HDZ-a BiH i HDZ-a 1990 Borjana Krišto, kandidat SDP-a, SDA i HSP-a Slavo Kukić ili NSRB-a Mladen Ivanković Lijanović, ovisit će od toga ko će od njih imati najveći broj ostvarenih bodova u ukupnom zbiru koje će davati članovi kolektivnog šefa države - Nebojša Radmanović, Bakir Izetbegović i Željko Komšić.

Bodovanje

Savjetnik za ustavnopravna pitanja predsjedavajućeg Predsjedništva BiH Boris Buha istakao je jučer za Oslobođenje kako je Poslovnikom regulisano da članovi kolektivnog šefa države izbor obave tajnim glasanjem.

- S obzirom na to kako ima tri kandidata, svaki od članova Predsjedništva davat će ocjene - tri (za najboljeg), dva i jedan bod (za najlošijeg) koje će se potom zbrojiti i na taj način će se doći do najuspješnijeg, odnosno onoga ko će biti predložen za mandatara. Nije moguće da se članovi Predsjedništva ne izjasne, odnosno da preskoče rangiranje predloženih kandidata, naglasio je Buha.

No, Buha cijeni kako je nužno da se postigne visok stepen saglasnosti, jer bi se u protivnom moglo desiti da sav posao bude uzaludan, ako mandatar u Predstavničkom domu PSBiH ne dobije dovoljnu podršku poslanika (najmanje 22, uključujući bar po trećinu iz svakog entiteta).

Pismo koje je predsjedavajući Komisije za ostvarivanje ravnopravnosti spolova PD PSBiH Niko Lozančić uputio, a koje se odnosi na osiguravanje ravnopravne zastupljenosti spolova u upravljanju, procesu odlučivanja i predstavljanju, s obzirom na to da se radi o zastupniku HDZ-a BiH i zamjeniku predsjedni-

ka te stranke, mnogi su ocijenili kao njegov pokušaj uticaja na favoriziranje jednog kandidata - njegove stranačke kolegice Borjane Krišto.

Pismo je, naime, dostavljeno Predsjedništvu BiH, predsjedavajućem Vijeća ministara BiH, političkim strankama koje učestvuju u predlaganju predsjedavajućeg i ministara VMBiH, te Komisiji za pripremu izbora VMBiH.

Kad se Niko sjeti spolova

- Kao učesnika u postupku izbora novog Vijeća ministara BiH, podsjećamo vas na obvezu poštivanja ovih odredbi, a posebno odredbi članka 20. Zakona o ravnopravnosti spolova u BiH, prema kojima ravnopravna zastupljenost spolova postoji u slučaju kada je jedan od spolova zastupljen najmanje u procentu 40 posto u ovim tijelima, u suprotnom postoji diskriminacija. Molimo vas da uzmete u obzir naše sugestije imajući u vidu činjenicu da smo u prethodnom Vijeću ministara BiH imali samo dvije zamjenice ministra, a niti jednu ženu na poziciji ministra, navodi, između ostalog, Lozančić.

Predsjednik SDS-a i poslanik u Predstavničkom domu PSBiH Mladen Bosić istakao je jučer za Oslobođenje kako očekuje od članova Predsjedništva BiH "da se ne skrivaju od odgovornosti, iza stranaka, političkih opcija i da mandatara ne biraju tajnim glasanjem".

- Po posljednjim izjavama članova Predsjedništva (Radmanović podržava Krišto, Komšić preferira Kukića), lako je moguće da vruć krompir mandatara bude prebačen u tuđe ruke - Parlament BiH, što ne bi bilo dobro, cijeni Bosić.

On poziva članove Predsjedništva BiH na dogovor i konsenzus jer kandidat koji bude na taj način usaglašen "prolazi, a u slučaju preglasavanja (Radmanovića) osuđen je na propast".

A. TERZIĆ

Zapadni Balkan: Napredak, Što prije formi

Nova državna vlast u Bosni i Hercegovini treba da se fokusira na NATO, te poboljšanje života građana, smatra Valentin Inzko



OHR je neophodan sve dok domaće političke snage ne budu imale kapacitete da samostalno povedu zemlju

Uloga Evropske unije na Zapadnom Balkanu biće proširena, a uloga Sjedinjenih Američkih Država nastavljena, rekao je jučer u Sarajevu visoki predstavnik međunarodne zajednice u BiH Valentin Inzko, tokom drugog dana konferencije Zapadni Balkan: Napredak, regresija ili stagnacija, koju su organizovali SAIS Centar za transatlantske odnose pri „Johns Hopkins“ univerzitetu u Washingtonu i Američko-bosanske fondacija.

Zagrebačke slike

Inzko je na panelu posvećenom situaciji u BiH i ulozi međunarodne zajednice naglasio da bi nova državna vlast u Bosni i Hercegovini trebala da se fokusira na tri

NEIZVJESNOST
Moguće je i da jedna entitetska koalicija napravi većinu na državnom nivou s drugom entitetskom opozicijom, no ta bi mogućnost, rekao je Lagumdžija, donijela neizvjesnost

područja, a to su integracije u EU i NATO, te poboljšanje života građana. O svemu tome, smatra Inzko, trebala bi postojati saglasnost.

Prema njegovim riječima, Ured visokog predstavnika

biće neophodan sve dok domaće političke snage ne budu imale kapacitete da samostalno povedu zemlju ka euroatlantskim integracijama.

- Definitivno, OHR će obavljati svoj mandat posvećeno. Nikad neću zaboraviti ono što sam u petak vidio u Zagrebu - ljude i političare kako se raduju kad je donesena odluka o prijemu Hrvatske u EU. BiH će imati hiljadu kilometara granice sa EU. Znači, EU je već došla na vrata BiH i to je dobar signal. Istovremeno, Sjedinjene Američke Države su glavni partner zemalja na polju sigurnosti, kazao je Inzko.

Šef Jedinice za Zapadni Balkan pri Evropskoj službi vanjskih poslova Jonas Jonsson jučer je poručio da je Evrop-

Posjeta crnogorskog premijera Igora Lukšića

BiH i Crna Gora bez otvorenih pitanja

Predsjedavajući Predsjedništva BiH Nebojša Radmanović i članovi Predsjedništva BiH Željko Komšić i Bakir Izetbegović primili su jučer predsjednika Vlade Crne Gore Igora Lukšića.

Tokom susreta članovi Predsjedništva BiH su istakli neophodnost zajedničkog nastupa zemalja zapadnog Balkana kako bi se ubrzao put ka EU.

Članovi Predsjedništva su kazali da BiH i Crna Gora imaju dobre bilateralne odnose, ali da ekonomske treba unaprijediti. Naglasili su važnost ulaganja u infrastrukturu, posebno u putne i željezničke komunikacije.

Premijer Lukšić je rekao da su BiH i Crna Gora prijateljske zemlje, koje imaju dobre odnose. Naglasio je važnost saradnje, te iskazao neophodnost potpisivanja preostalih sporazuma, koji su od interesa za obje države i njihove građane.

Premijera Lukšića su primili i predsjedavajući Vijeća ministara BiH Nikola Špirić i federalni premijer Nermin Nikšić.



Špirić je nakon razgovora izjavio da između BiH i Crne Gore nema otvorenih pitanja koja bi mogla da ugrožavaju razvoj dobrosusjedskih odnosa.

"Dogovorili smo se da do narednog zvaničnog susreta pripremimo sporazume, prije svega o granici, u oblasti turizma, o vazdušnom i avioprevozu, o socijalnom osiguranju i niz drugih", rekao je Špirić.

"Premijeru Crne Gore sam se malo više izjadio o situaciji u kojoj se nalazi FBiH, ali smo razmijenili iskustva i nadam se da će nakon ovog sastanka naša saradnja biti i konkretnija i bliža. Pokušat ćemo iskoristiti sve ono iz iskustva Crne Gore što mi kao Federacija budemo mogli iskoristiti", rekao je Nikšić.

regresija ili stagnacija gubiti vlast i krenuti ka EU

na tri područja, a to su integracije u EU i

ska unija spremna osnažiti svoj angažman u BiH.

- Mi smo spremni da osnažimo naš angažman ovdje, ali želimo vidjeti spremnost vlade da donosi odluke kako bi BiH napredovala u EU. To očekuju i građani ove zemlje, s obzirom na progres drugih država. EU želi vidjeti formiranje vlade koja će biti spremna donositi odluke za ubrzanje zemlje na njezinom putu ka EU, kazao je Jonsson, dodavši da je konstruktivan politički dijalog unutar Bosne i Hercegovine neophodan.

Na konferenciji je jučer govorio i lider Socijaldemokratske partije BiH Zlatko Lagumdžija, koji je, uz ostalo, naglasio kako postoji nekoliko scenarija po kojim se može doći do formiranja Vijeća ministara.

Jedan je da entitetske većine formiraju Vijeće ministara ili da se, prema drugom scenariju, napravi takozvana velika koalicija. Moguće je i da jedna entitetska koalicija napravi većinu na državnom nivou s drugom entitetskom opozicijom, no ta bi mogućnost, rekao je Lagumdžija, donijela neizvjesnost.

- Naravno, postoji i mogućnost kontinuiteta tehničke vlade do daljnjeg, rekao je Lagumdžija, te istakao i teoretsku mogućnost sukoba u slučaju narušavanja Dejtonskog sporazuma, u koju on ne vjeruje.

Potpredsjednik Hrvatske demokratske zajednice 1990 Martin Raguž također je bio jedan od panelista na konferenciji. On je upozorio da u BiH deset mjeseci nakon izbora nema ni izgleda

za formiranje državne vlade.

- Ne postoje čak ni ozbiljni naponi. BiH 16 godina nakon Daytonu ne da stagnira, već se naziru i znakovi regresije. Potrebni su nam novi koncepti i novi politički ambijent. Stranke su fokusirane uglavnom na uskostranačke interese i potrebna nam je istinska, partnerska suradnja s međunarodnom zajednicom da bismo izašli iz ove duboke krize, kazao je Raguž, dodavši da je nemoguće da BiH uđe u EU i NATO, a da ostane podijeljeno društvo.

Nazadak

Politički analitičar Kurt Bassuener je, govoreći na konferenciji, naglasio i da postoji velika podijeljenost u međunarodnoj zajednici po pitanju strateškog pristupa BiH. Bassuener je podsjetio na ocjenu američkog potpredsjednika Josepha Bidena, datu prije dvije godine prilikom njegove posjete Sarajevu, da je Bosna i Hercegovina u nazatku.

- Javier Solana je rekao da idemo naprijed. Jesu li gledali u istu zemlju?, pita se Bassuener, dodajući da postoji razumijevanje oko toga gdje Bosna i Hercegovina treba ići, ali ne i o tome šta je za to potrebno.

Učesnici konferencije saglasni su da članstvo BiH u EU nema alternativu, ali da je pred domaćim subjektima još mnogo posla kako bi se taj cilj ostvarilo.

Konferencija Zapadni Balkan: Napredak, stagnacija ili regresija nastavit će sa radom i danas, a trajat će do 15. juna.

J. F.



Foto: D. TORCHE

Premalo saradnje u regiji

Saradnja država u regionu sa Evropskom unijom i SAD-om dobro funkcioniše, ali međusobna je na minimalnom nivou, ocijenio je koordinator za saradnju u jugoistočnoj Evropi Erhard Busek, tokom panela posvećenog regionalnom pomirenju i saradnji.

Određeni napredak je zabilježen u slobodnoj trgovini, energetskom sektoru, borbi protiv kriminala. Međutim, i dalje se svaka zemlja bavi sama sobom. Busek je rekao da za to ne želi kriviti Vijeće za regionalnu saradnju (RCC), nego zemlje jer nije dovoljno učinjeno na tom planu.

- Ovaj region mora krenuti naprijed. Nemojte čekati poticaje iz Bruxellesa. Morate sami to učiniti. Ovdje ima više mogućnosti nego što ih vi ostvarujete. Isto se odnosi i na ekonomski razvoj i biznis. Ako ne pripremate regiju kao teren za

poslovanje, neće uspjeti, jer poslovna zajednica ne posmatra malu sliku, malo BiH, malo Kosovo, nego cjelokupnu regiju. Potrebna je strategija i strateški pristup. Mi smo uvjereni da će iz regionalne saradnje doći i pomirenje. Ako saradujete na poslovnom planu, na socijalnim poslovima, poznajete jedni druge, onda će doći i do pomirenja, sasvim sigurno, kazao je Busek.

I crnogorski premijer Igor Lučković naglasio je da se konačno stvari moraju pokrenuti u pravcu koji će biti koristan za sve građane u regionu. Ipak, on danas sa više optimizma gleda na evropsku budućnost Zapadnog Balkana nego što je to bilo početkom godine.

U panelu, kojim je moderirao Daniel Serwer iz SAISA, učestvovali su i ministar vanjskih poslova BiH Sven Alkalaj, ministar vanjskih poslova Kosova Enver

Hoxhaj, nekadašnji ministar vanjskih poslova Srbije Goran Svilanović, ministar obrazovanja i nauke KS-a Emir Suljagić, savjetnica predsjednika Hrvatske Romana Vlahutin, zamjenik podsekretara za evropska i EU pitanja pri MVP-u Turske Ayse Sezgin, Dušan Janjić (Forum za etničke odnose Beograd), Nataša Kandić (Fond za humanitarno pravo)...

Na Fakultetu političkih nauka sinoć je održana i panel diskusija o medijima. Moderator Slobodanka Dekić i panelisti među kojima su bili Dunja Mijatović, Kemal Kurspahić, Gordana Igrić, Samra Lučkin, Remzi Lani, Tanya Sakzewski, Vildana Selimbegović, Dinka Živalj su govorili o situaciji o medijima tražeći odgovor kako demokratizacijom medijske scene BiH može napraviti iskorak ka euroatlantskim integracijama.

DI. O.

Predsjedništvo BiH



Danas kandidat za mandatara

Predsjedništvo BiH danas će održati hitnu sjednicu na kojoj bi trebalo da imenuje kandidata za predsjedavajućeg Vijeća ministara BiH, rekao je za Srnu Đorđe Latinović, savjetnik predsjedavajućeg Predsjedništva BiH Nebojše Radmanovića. Kandidati su Borjana Krišto, Slavo Kukić i Mladen Ivanković Lijanović. Prema njegovim riječima, Predsjedništvo BiH će, nakon tajnog glasanja po preferencijalnom sistemu, donijeti pisanu odluku sa imenom kandidata koji je dobio najviše bodova i dostaviti je na potvrdu Komisiji za izbor i imenovanje Vijeća ministara BiH Predstavničkog doma Parlamenta BiH.

Nikšić - Yousefi



Zapelo u Željeznicama FBiH

Premijer FBiH Nermin Nikšić i ambasador IR Iran u BiH jučer su razgovarali o unapređenju odnosa dviju zemalja, a osobito o jačanju privredne saradnje. U tom kontekstu, Yousefi je ukazao na nekoliko vrijednih projekata koje je njegova zemlja voljna realizirati u BiH. Među njima je i investiranje sto miliona eura u projekt razvitka željeznica u FBiH. O ovome je potpisan i memorandum o razumijevanju sa Željeznicama FBiH, ali realizacija još nije počela. Stoga će Vlada FBiH od Željeznica zatražiti cjelovitu informaciju.

Nović - Bandarin



Kultura doprinos dijalogu u regionu

Ministar civilnih poslova BiH Sredoje Nović razgovarao je s pomoćnikom za kulturu generalnog direktora UNESCO-a Franceskom Bandarinom. Ocijenjeno je da oblast kulture snažno doprinosi unapređenju saradnje i uspostavljanju dijaloga u regionu. "Naše je mišljenje da sva međunarodna saradnja u oblasti kulture treba da se odvija uz posredovanje Ministarstva civilnih poslova. Ne osporavamo ulogu drugih institucija koje djeluju u ovoj oblasti, ali smatramo da projekti na državnom nivou moraju biti realizovani u saradnji s Ministarstvom", rekao je Nović.

Roderick Moore



Podrška partnerstvu s BiH

Prvi zamjenik visokog predstavnika u BiH Roderick Moore izjavio je da u međunarodnoj zajednici postoji saglasnost da BiH bude čvrst dio regionalnog evropskog okvira i da postane normalan partner u trgovini. "Interes zemalja EU i Sjeverne Amerike jeste da BiH uspije u tranziciji. Privreda ove zemlje ima prednost u proizvodnji energije sa hidropotencijalima i termalnim vodama, a tu je i eksploatacija drveta", rekao je on za Euroblic. Moore je istakao da se politički kriterij ne može odvojiti od ekonomije, a BiH ima nekoliko ekonomskih pitanja koja, kao i sve zemlje u procesu približavanja EU, mora da riješi.